

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Whakamaua te reo kia tina!

Aronga: Te Reo Rangatira 1.1B

Paerewa Paetae: Te Reo Rangatira 1.1

Kaupae: 1

Whiwhinga: 6

He Tohutohu mā te Ākonga

I tēnei ngohe

He mahi rangahau tēnei, ā, me rua ngā putanga hei whakamārama i ō kitenga arā, ko te whakaaturanga ā-waha me te tuinga.

Te horopaki

E rua ngā wāhanga o tēnei aromatawai. He tuhituhi tētahi, he kōrero tētahi. Me reo Māori te tuku i ngā wāhanga e rua.

Kōwhiria tētahi kaupapa reo Māori hei rangahau māu. Tērā he kaupapa whakarauora reo, he take tōrangapū, he kaupapa rānei mō te āhua o te reo.

I tēnei ngohe ka aromatawaihia tō kaha ki te whakamārama me te wetewete i ngā take matua o te kaupapa, te tautoko i ō whakaaro ki ngā taunakitanga me te whakahāngai i tō whakamārama ki te hunga whakarongo, ki te hunga pānui rānei. Māu katoa ngā mahi e mahi.

Mā tō kaiako koe e ārahi i te rautaki rangahau. Māna anō e whakatauirā ngā momo pātai, te whakamahere whakaaro, me te mahi tohutoro anō hoki.

Me kōrero ki te kaiako mō tō kaupapa i mua i te rangahau, kia mōhio ai koe mēnā e hāngai ana te kaupapa e whakaarohia ana e koe. Me kōrero anō koe ki tō kaiako mō ngā huarahi tuku i te aromatawai.

Hei mahi

Māu katoa ngā mahi e whai ake nei:

- Rangahaua te kaupapa, ngā kura huna, ngā take matua.
- Me whai whakaaro ki te kaupapa me ngā pānga o te kaupapa ki te tangata.
- Tipakohia, kohikohia ngā kōrero taunaki hei tautoko i ōu whakaaro (he tauira, he whakataurākī, ngā nuka reo, he meka matua, he tatauranga).

- Whakaraupapatia ngā take matua, ngā take kōrero. Arohaehaetia.
- Tautohua ngā tohutoro, hei puna taunaki.
- Kōwhiria te huarahi hei whakaatu i te kaupapa kua rangahaua (hei tauira, he pūrongo, he mātārere, he atikara niupepa, he aha atu rānei). He pai hoki kia tautokona ngā kōrero ki te whakaaturanga, ki tētahi atu momo reo ā-tā rānei.
- Whakaritea tō tuhinga me tō kaupapa kōrero.

Ngā mahi hei tāpae

- Mā te kaiako e whakatau te momo putanga reo ā-tā.
- Mā te kaiako anō e whakatau te momo putanga reo ā-waha.
- Me 200–350 kupu te roa o te tuhinga.
- Me rua ki te whā meneti te roa o te kōrero. Me rere noa tō reo, kaua e pānui.

Kuputaka

arohaehae (-tia)	<i>analyse, critique</i>
huarahi	<i>method, process, way to do something</i>
kōwhiri (-a)	<i>choose, select</i>
kura huna	<i>important knowledge</i>
meka matua	<i>key fact</i>
nuka reo	<i>literary device</i>
pānga	<i>impact, effect</i>
rangahau	<i>research</i>
taunaki (-tanga)	<i>evidence</i>
tautohu (-a)	<i>to identify, locate</i>
tohutoro	<i>reference, source of information</i>
tōrangapū	<i>politics, political</i>
whai whakaaro	<i>consider, give consideration</i>
whakarauora	<i>revive, revitalise</i>